

**PROGRAM: „PODSTICAJ INDUSTRIJSKOJ PROIZVODNJI SA PODRUČJA
BOSANSKO-PODRINJSKOG KANTONA GORAŽDE“**

OSNOVNE INFORMACIJE O PROGRAMU

- 1. Program:** „Podsticaj industrijskoj proizvodnji“
- 2. Period realizacije programa:** 01.01.-31.12.2009.godine
- 3. Područje:** Bosansko-podrinjski kanton Goražde
- 4. Oblast:** Privreda Bosansko-podrinjskog kantona Goražde
- 5. Ukupna vrijednost Programa:** 800.000,00 KM
- 6. Partneri u imlementaciji:** Udruženje poslodavaca,
Privredna komora Bosansko-podrinjskog kantona Goražde,
Izabrana banka
- 7. Korisnici /ciljane skupine:** Privredna društva sa području Bosansko-podrinjskog kantona Goražde

PREDLAGAČ PROGRAMA

**Ministarstvo za privredu
Bosansko-podrinjskog kantona
Goražde**

Maršala Tita 13 Goražde
038/228-640

www.bpkgo.ba

e-mail: privreda@bpkgo.ba

1. UVOD

Program „Podsticaj industrijskoj proizvodnji“ utvrđen na ekonomskom kodu 614413 budžeta Ministarstva za privredu za 2009.godinu rađen je u skladu sa članom 39. i članom 44 Zakona o izvršenju budžeta Bosansko-podrinjskog kantona Goražde za 2009.godinu („Službene novine Bosansko-podrinjskog kantona Goražde“ broj:04/09).

Prema dosadašnjim pokazateljima poslovanja privrednih subjekata sa područja Bosansko-podrinjskog kantona Goražde, podaci uzeti iz statističkog zavoda FBiH, kao i od menadžmenta privrednih subjekata, neophodno je da u ovoj 2009.godini tj. godini svjetske ekonomske krize – recesije, za održivost postojeće proizvodnje i broju zaposlenih privrednim društvima pruže odgovarajuću pomoć (grant sredstva i povoljna kreditna sredstva).

Jedan od vidova pomoći, koju Ministarstvo za privredu Bosansko-podrinjskog kantona Goražde pruža svake godine je podsticaj industrijskoj proizvodnji koji se ogleda u poboljšanju njihovog poslovanja, zadržavanju broja uposlenih, proširenja proizvodnje, subvenciji kamata po raznim kreditima i uvođenje novih tehnologija i drugih proizvodno-ekonomskih aktivnosti.

Pravo na sredstva po ovom Programu „Podsticaj industrijskoj proizvodnji“ imaju sva privredna društva registrovana u nadležnom sudu Bosansko-podrinjskog kantona Goražde, u skladu sa Zakonom o privrednim društvima („Službene novine Federacije BiH broj: 23/99,45/00,2/02,6/02,29/03), dok će obrtnici i poduzetnici podsticaje u 2009.godini ostvariti putem programa Transfer za podsticaj razvoja, poduzetništva i obrta, ekonomski kod -614900, a u sklopu podsticajnih mjera Ministarstva za privredu.

2. CILJEVI PROGRAMA

Prema realnim mogućnostima Bosansko-podrinjskog kantona Goražde sredstva usmjerena za ovaj program imaju prepoznatljiv cilj i namjenu, a to je:

- Podrška privrednim društvima za održavanje postojeće proizvodnje;
- Podrška zapošljavanju ili zadržavanje postojećeg broja uposlenih;
- Zanimanje postojeće proizvodnje i usluge i proširenje kapaciteta i usluga;
- Uvođenje novih proizvoda i prilagođavanje proizvodnje tržištu;
- Podrška proizvodnji i uslugama za tržišta izvan granica Bosne i Hercegovine;
- Podrška supstituciji uvoza i afirmaciji izvoza;
- Podrška u investicijama za izgradnju novih objekata infrastrukture;
- Podrška nabavke sredstava za rad;
- Podrška u prestrukturiranju proizvodnje i usluga;
- Podrška uvođenja novih tehnologija;
- Podrška za uvođenje novih standarda kvaliteta proizvodnje, proizvoda i usluga;
- Podrška subvencioniranju kamata za kredite;
- Podrška za predkvalifikaciju i dokvalifikaciju i edukaciju radne snage neophodne u proizvodnji i uslugama.

3. OSTVARIVANJE PROGRAMA

Period trajanja programa je 12 mjeseci 2009.godine.

Program podrazumijeva ostvarivanje ciljeva kroz podsticajna sredstva a u realizaciji programa učestvuje Ministarstvo za privredu uz određene konsultacije Udruženja poslodavaca i Privredne komore Bosansko-podrinjskog kantona Goražde, kao i komercijalna banka izabrana putem Javnog konkursa za transfer sredstava po programu.

Program se ostvaruje putem Javnog konkursa za privredna društva sa područja Bosansko-podrinjskog kantona Goražde.

- Ministarstvo za privredu Bosansko-podrinjskog kantona Goražde izrađuje i predlaže program, i u ime Vlade Bosansko-podrinjskog kantona Goražde izrađuje sadržaj i objavljuje Javni konkurs za učestvovanje u programu;
- Vlada Bosansko-podrinjskog kantona Goražde utvrđuje prijedlog Programa i upućuje ga u Skupštinsku proceduru;
- Skupština Bosansko – podrinjskog kantona Goražde daje saglasnost na prijedlog Programa dostavljenog od strane Vlade Bosansko – podrinjskog kantona Goražde;
- Ministarstvo za privredu Bosansko-podrinjskog kantona Goražde objavljuje Javni konkurs za izbor banaka za pružanje usluga, deponovanje i plasmana budžetskih sredstava za realizaciju programa utroška sredstava „Podsticaj industrijskoj proizvodnji“ sa područja Bosansko-podrinjskog kantona Goražde.
- Ministarstvo za privredu Bosansko-podrinjskog kantona Goražde izrađuje **Pravilnik** o izvorima sredstava, uslovima, načinu i postupku dodjele sredstava, sa uputstvom o radu komisije za dodjelu sredstava koji je sastavni dio Programa ;
- Komisija koordinira aktivnosti učesnika u realizaciji ovog programa;
- Ministarstvo za privredu Bosansko - podrinjskog kantona Goražde će u cilju praćenja namjenskog utroška dodjeljenih sredstava, tj. **nadzora** nad utrošenim sredstvima formirati komisiju koja će Vladi Bosansko-podrinjskog kantona Goražde podnijeti izvještaj na usvajanje o ispunjenju Ugovornih obaveza. Vlada Bosansko – podrinjskog kantona Goražde će putem Ministarstva za privredu Bosansko – podrinjskog kantona Goražde najmanje tromjesečno informisati Skupštinu Bosansko – podrinjskog kantona o kativnostima po ovom Programu, a kontrolu povrata kreditnih sredstava će vršiti odabrana banka, u skladu sa pravilima banke i instrumentima obezbjeđenja povrata sredstava; U Komisiju će biti uključeni i predstavnici izabrane banke.
- Odabrana banka potpisuje ugovore sa privrednim društvima za koja se utvrdi da su određena za dodjelu sredstava podsticaja shodno Odluci Vlade Bosansko-podrinjskog kantona Goražde;
- Privredna društva koja dobiju sredstva po ovom Programu će prije dobijanja sredstava obezbijediti odgovarajuću Bankovnu garanciju banaka sa kojima posluju ili neki drugi instrument garancije koju izabrana banka predloži.

4. TROŠKOVI REALIZACIJE PROGRAMA

- Sredstva za realizaciju ovog programa su utvrđena u budžetu Ministarstva za privredu na ekonomskom kodu 614400-Podsticaj privrednim društvima u budžetskoj 2009.godini u iznosu od 800.000,00 KM.
- Shodno članu 44. stav 5. Zakona o izvršenju budžeta Bosansko-podrinjskog kantona Goražde, Budžetski korisnici su obavezni da u kriterijima za raspodjelu sredstava po ovom programu „Podsticaj industrijskoj proizvodnji“, predvide da će se najmanje 80 % sredstava koristiti isključivo na osnovu Javnog poziva za apliciranje.

- Shodno članu 44 Zakona o izvršenju budžeta, 80% predviđenih sredstava u iznosu od 640.000,00 KM, biće dodijeljeno privrednim društvima sa područja Bosansko-podrinjskog kantona Goražde kao povoljna kreditna revolving sredstva putem Javnog oglasa i odabrane komercijalne banke, pod sljedećim uslovima:
 - kamata
 - grace period
 - rok otplate
- Ostatak sredstava po predviđenom programu 20 % u iznosu od 160.000,00 KM biće dodjeljeno u vidu grant sredstava po pojedinačnim aplikacijama za koja će, na prijedlog Ministarstva za privredu Bosansko-podrinjskog kantona Goražde, Vlada Bosansko podrinjskog kantona Goražde donositi pojedinačne odluke, donešene koncenzusom.
- Za provođenje programa će biti angažovani uposlenici Ministarstva za privredu u toku radnog vremena bez posebnih nadoknada;
- Eventualno angažovanje konsultanata iz drugih ministarstava i institucija će se vršiti u okviru njihovih redovnih aktivnosti sa troškovima njihovih redovnih plaća i naknada.
- Troškovi prevoza i goriva pri obilasku za utvrđivanje činjenica će biti u okviru troškova za redovne aktivnosti.
- Neophodna sredstva za informisanje i javno oglašavanje putem sredstava javnog informisanja planiraju se u iznosu od 250,00 KM, a biće realizovana sa ekonomskog koda 613900 – Ugovorne i druge posebne usluge.

5. KRITERIJI ZA DODJELU SREDSTAVA

A. Kriteriji za dodjelu kreditnih sredstava

Red. broj.	Kriteriji	O C J E N E					POENI
		5	4	3	2	1	
1.	Programi za razvoj proizvodne i uslužne djelatnosti - Proizvodnja - Proizvodno uslužna djelatnost - Trgovina - Usluge - ostale djelatnosti	5	4	3	2	1	
2.	Visina investicionog ulaganja predviđena programom - do 50.000,00 KM - od 50.000,00 – 150.000,00 KM - od 150.000,00-300.000,00 KM - od 300.000,00-500.000,00 KM - više od 500.000,00 KM	5	4	3	2	1	
3.	Broj radnika koji je predviđen da se zaposle u 2009.g. po apliciranom Programu - 1 radnik - 2 – 4 radnika - 4 – 7 radnika - 7 – 10 radnika - više od 10	5	4	3	2	1	

4.	Broj otpuštenih radnika u 2008.godini - bez otpusta - do 3 radnika - do 5 radnika - do 7 radnika - više od 10	5	4	3	2	0	
5.	Visina izvoza proizvodnje i usluga u % od ukupne proizvodnje za 2008.godinu 3.1. Izvoz 100% 3.2. Izvoz od 70 – 100 % 3.3. Izvoz od 50 – 70 % 3.4. Izvoz od 30 – 50 % 3.5. Izvoz do 30 %	5	4	3	2	1	
6.	Stepen samofinansiranja - Vlastito učešće (30-40)% - (40 – 50) % - (50 – 60) % - (60 – 65) % - (65 – 70) %	5	4	3	2	1	
7.	Sigurnost povrata sredstava - Bankovne garancije - Data hipoteka - Osigurano založno pravo - Mjenica - Ostali oblici garancije	5	4	3	2	1	
8.	Prvi put uveden certifikat ISO:9001, ISO:14000, HACCAP, Certifikat proizvoda CE i sl. ili je prvi put u postupku uvođenja certifikata 5 bodova						
9.	Korištenje postojećih proizvodnih resursa u Bosansko – podrinjskom kantonu (poslovni prostor, oprema, građevinski objekti i ostala infrastruktura u vlasništvu privrednog društva i dr.) 5 bodova						

Planirani efekti Programa „Podsticaj industrijskoj proizvodnji“

Gore navedeni kriteriji po kojima će se dijeliti sredstva Subvencije po povoljnim kreditnim revolving linijama daće slijedeće efekte:

- Zadržavanje postojeće proizvodnje i broja uposlenih
- Zaposlenje novih radnika
- Stimulisanje izvoza i supstitucija uvoza
- Stimulisanje i favorizovanje proizvodnih djelatnosti
- Pošto se radi o kreditnim revolving sredstvima, povratom određenih broja rata na bankovne račune formiraće se nova sredstva koja će se moći ponovo aktivirati, a time i vršiti podsticaj privrednim društvima koja budu imala potrebu na novim investicijama i ulaganjima.

Kompletnu aktivnost po ovom Programu kada se tiče povrata revolving sredstava i drugih ugovornih obaveza vršiće odabrana banka po pravilima banke kao i Komisija, sve dok traje ovaj revolving program, a koju će formirati Ministarstvo za privredu Bosansko – podrinjskog kantona Goražde, u čijem sastavu će biti i član ispred izabrane banke.

b) Grant sredstva koja će se dodjeljivati po pojedinačnim Odlukama Vlade Bosansko – podrinjskog kantona Goražde

Grant sredstva u iznosu od 160.000,00 KM su predviđena za raspodjelu privrednim društvima koja trebaju jednokratnu pomoć u slučaju:

- zaustavljanja proizvodnje zbog naglog otkaza kupca na tržištu
- blokade računa zbog neizmirene rate kreditnog zaduženja, koja prijeti otpustu radnika i zaustavljanju proizvodnje.
- otkazom ugovora o poslovnoj saradnji sa starteškim partnerima
- otpusta velikog broja radnika kao rezultat sveukupne krize u toj oblasti privredivanja i otkaza već ugovorene planske proizvodnje.

Predviđena grant sredstva će se dijeliti po pojedinačnim Odlukama Vlade Bosansko – podrinjskog kantona Goražde, a shodno apliciranim zahtjevima od privrednih društava sa područja Bosansko – podrinjskog kantona Goražde, gdje će Komisija formirana od strane Ministarstva za privredu Bosansko – podrinjskog kantona Goražde cijeniti i predlagati dodjelu sredstava, zavisno od gore navedenih uslova pod tačkom b).

6. RIZICI PRILIKOM REALIZACIJE PROGRAMA

Izborom banke za deponovanje i plasman sredstava, shodno Zakonu o javnim nabavkama BiH, uz uslove koje banka usaglasi sa Ministarstvom za privredu Bosansko – podrinjskog kantona Goražde i pravilnom organizacijom aktivnosti na provođenju ovih programa, izborom stručnih uposlenika za članove komisije za ocjenu ponuda uz kontrolu rada komisije uz isključenje pristrasnosti ili bilo koje druge vrste diskriminacije ponuđača kod odabira i primjene kriterija iz Pravilnika, kao i pravilnim usmjeravanjem i praćenjem realizacije i efekata i na kraju sveobuhvatnom analizom izvještaja o utrošku sredstava usaglašenim sa Odlukom nepredviđenih rashoda i rizika neće biti.

7. ZAVRŠNE NAPOMENE

U slučaju promjene visine sredstava i drugih troškova po ovom Programu koji mogu nastati kao rezultat promjene zakonskih propisa ili usklađivanja budžeta Bosansko-podrinjskog kantona Goražde, program se može mjenjati, povećavati ili smanjivati iznos sredstava.

Na utvrđeni Program od strane Vlade Bosansko – podrinjskog kantona Goražde kojeg je predložilo Ministarstvo za privredu Bosansko-podrinjskog kantona Goražde, Skupština Bosansko-podrinjskog kantona Goražde je dala saglasnost svojim aktom broj:01-14-465/09 od 19.05.2009.godine.

MINISTAR

Broj: 04-14-1081-2/09
Goražde, 21.04.2009.godine

Mustafa Kurtović, prof.